



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N\_362  
Տուգանք նշանակելու մասին

27.09.2023թ.

ք. Երևան

Քննելով տեսչական մարմնի կողմից 2023թ. օգոստոսի 03-ի N 529-Ա հրամանով

«ՀԱՅԿ ԵՎ ՆՈՐԻԿ» ՍՊԸ -ում /ՀՎՀՀ՝ 08208167/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 529-Ա կազմված 04.09.2023թ., խախտումների մասին 08.08.2023թ. արձանագրությունը և այլ նյութերը), որոնցով բացահայտվել է որ՝ ՍՊԸ-ն ՀՀ Գեղարքունիքի մարզ, գ. Երանոս Երևանյան խճ. 3 հասցեում իրականացնում է ավտոգազալիցքավորման աշտարակի (ԱԳԼԾԿ) շահագործում:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ավտոգազալցակայանների շահագործման տեխնիկական անվտանգության կանոնների ստուգման վերաբերյալ» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման ընթացքում պարզվել է, որ պարտադիր օրենսդրական չափագիտական հսկողության ենթակա չափման միջոցները՝ 2 հատ գազալիցքավորման աշտարակները 4 ճկափողերով 27.08.2022թ.-ից մինչև 17.09.2022թ.-ը ընկած ժամանակահատվածը շահագործվել են առանց ստուգաչափման, որպեսզի զանցանքը նախատեսված է ՎԻՎ օրենսգրքի 158-րդ հոդվածի 44-րդ մասով:

Ստուգման ընթացքում պարզվել է, որ բնական գազի կոմպրեսացված վառելիքի լիցքավորման բաշխիչ աշտարակների էլեկտրոնային հանգույցի գազի ճնշման ցուցմունքները լիցքավորման ավարտին գերազանցում են տեխնիկական կանոնակարգով սահմանված 19.6 ՄՊա-ը՝ հասնելով 22 ՄՊա, որը գերազանցում է թույլատրելի չափը 2.4 ՄՊա-ով, որպեսզի զանցանքը նախատեսված է ՎԻՎ օրենսգրքի 188-րդ հոդվածի 7-րդ մասով:

Տեսչական մարմնի ղեկավարի կողմից խախտումների և թերությունների վերացման ուղղությամբ կարգադրագիր չի արձակվել, քանի որ արձանագրված թերությունները և խախտումները վերացվել են:

Փաստացի խախտվել են՝ «Չափումների միասնականության ապահովման մասին» ՀՀ օրենքի 16-րդ հոդվածի 1-ին և 2-րդ մասերի ՀՀ կառավարության 2022 թվականի հուլիսի 21-ի թիվ 1131-Ն որոշման հավելվածով հաստատված կանոնների 135-րդ կետի պահանջները:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում՝ «ՀԱՅԿ ԵՎ ՆՈՐԻԿ» ՍՊԸ -ի տնօրեն՝

**Էդգար Հայկի Շահինյանը**

իրավախախտողի անունը, ազգանունը, պաշտոնը

**ք. Երևան, Պուշկինի փ. 43 շենք, բն. 64**

մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածի պահանջներով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 27.09.2023թ.-ին ժամը 11:00-ին կայանալիք վարչական գործի քննությանը, այն է Տեսչական մարմնի կողմից ապահովվել է նրա լսված լինելու իրավունքը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը, որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

## Ո Ր Ո Շ Ե Ց Ի

1. Տվյալ իրավախախտման համար պատասխանատու Էդգար Հայկի Շահինյանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 44-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի հինգհարյուրապատիկի չափով, այն է՝ 500 000/ հինգ հարյուր հազար/ ՀՀ դրամ և Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 7-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի հազարապատիկի չափով այն է՝ 1 000 000 /մեկ միլիոն/ ՀՀ դրամ: Տուգանքի ընդհանուր չափը կազմում է՝ 1 500 000 /մեկ միլիոն հինգ հարյուր հազար/ ՀՀ դրամ:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ